

惜
抱
軒
詩
集

惜抱軒詩集五

古體廿六首

夜讀

鐙每夜讀古人皆死矣而我百代下會其最深旨吟
諷至往復欲罷不可已安得與之論謂我能知彼今世
綴文者異世亦如此念此衷悽惻淚下如鉛水顧思文
載道筌曠徒寄耳陋哉執此愛束縛作文士汝聞天籟
乎飄風滿空起

題汾州張太守墓廬圖

三代重廟祀燔祭禮所略義謂迎精返宮室專神託藏

欲弗得見豈事大興作所以脩防封孔聖涕墮落邃古
墓不墳於義詎爲薄自從秦漢來闕宮禮銷鑠厭祭不
迎尸同堂廢特禴廟輕墓乃重阡表極華燭所以上陵
儀造自漢都維仁孝旣屬茲福祐亦攸酢七略載相墓
魏晉稱管郭大儒子朱子於焉頗采獲固欲先靈安匪
繫俗見縛張君少孝養節母處幃幕板輿迎入越風水
痛寥廓佳城猶未卜霜露走巖壑秉義諒無愆神感助
求索而勢峯稜秀種樹柏樅錯鬱鬱氣佳哉爾想幽靈
樂窅窅中安依丙舍外營度在晉陶土行元功表蘄霍
少日居潯陽牛眠藏父柳諒知神報德陰相啓窳約期

君功業隆異日登名爵善績史備書墓廬事不削

送胡豫生之山西趙城將訪乃翁舊知

晨朝兩歇石城水一挂江帆幾千里邀君小立白門前
往事回頭四十年章江寒渚丹楓落乃翁共坐滕王閣
詩情酒態天下豪旅舍生兒始縶縛湯餅眾客開登筵
碩果惟余遲入柳渥注種卒成權奇見爾文章繼翁作
貧交令我慙叔孫駿足憐君無伯樂承家彈鋏向風塵
有母尸饗尙藜藿小倉亭戶拓玻璃敗荷落桂沈秋泥
主人昨日會賓飲綠尊滿捧青蛾低美人壯士各有思
隨眾歡笑中含悽況到霜風河北岸襤被只餘僮僕伴

太行地脊天下雄，汾水秋風古來歎。晉中小邑猶萬家，往往車馬能豪華。賢令聲名有遺思，郎君憔悴宜矜嗟。我悲乃翁今不見，衰盛人情孰無變。男兒精金須百鍊，勉走塵埃莫辭倦。豈有美若陳平乃貧賤。

書樂志論後

大功濟一世，富貴當崇高。邈會苟不逢，引身入蓬蒿。良田及美宅，誠免苦身勞。旣非先世遺，求致寧非叨。吾鄙樂志論，陳酒烹豚羔。雖愈乾沒徒，未爲肥遯豪。不見陳元龍，牀下臥此曹。

關口阻風

一出金陵郭兩日北河口翻翻鍾阜雲背我逝蒼句試

曳市廛杖迴飲王生酒墨香發笈外古色盈座右吳畫

奪造化黃字耀星斗

上河王養中家觀所藏書畫甚富吾尤愛山谷道人書子建詩及吳

仲圭夏

乃知此淹留風伯意良厚自是飽挂帆卯行營

及酉離家百里外故山當船首正及湖水闊忽起西風
吼引領吾徒羨銜尾來舸走停棹入菰蒲繫纜向榆柳
老翁晝夢醒試一憑船牖遙山紛冶麗下水亦清瀾魚
艇夕陽邊楓葉零霜後雖乏古墨妙景物亦希有行止
要不礙愜喜兩無取默坐獨成詩橫肱進吾糗

次日又阻風

暮風聲已厲入夜尤洶洶有如九淵底怒起千闔龍吾
舟繫樹木幾欲拔起從一夜枕席間鏗鏘如金鐘晨興
無日暉四野雲逢逢樹葉下如雨棲鳥無復容豈必大
木竅空響自相舂吾舟一長年擁袖衣蒙茸小舟自後
來所受可百鍾笑傲舞兩棹踊躍升斜篷此怯豈非夫
彼勇誠可庸吾知任事難坐譚第恣胸假令吾操舟畏
憊恐夏慵天道不能久旣盈還當沖飄風明決止朝曦
望東峯遲行一日耳何必責犯鋒吾取老聃言挫銳萬
物宗

朱石君中丞視賑淮上途中見示長句次韻二首

此身未作龜藏六擾擾人閒同一局春水常乘東下舸
霜林每引西還轂論材真似蒿蔚卑學道不如黃稗熟
先生伯仲才峻崇兩角去天幾一握文高萬士喑無聲
德盛千豪書可禿固應斯養皆人豪卻媿雕鑄加朽木
笥河已歎火傳薪使君今作凶年粟我從竹馬試迎車
但覺謙衷彌粥粥咳唾小且出千珠事業闕宜安萬屋
獨思舊夢五十年那得從容髮還綠

北臨潁尾南瀟六壽春邑據東南局英布備起逮劉安
豪傑興亾如轉轂列仙曾授鴻寶方下客猶吟楚詞熟
山川極盛在一朝鍾離帝起乾符握自是蕭條英雋無

艸木八公皆赭秃惟餘暴桀多劫人每犯刑科俾荷木
先生欲革小人面上書先請調均粟夜犯霜風走旆旌
往問飢寒散餽粥詩書猶且待陶甄桴鼓豈教驚井屋
鄰邦擾攘此安居淮甸麥豐桑柘綠

酬釋妙德

闍黎信者宿貌古神清完如尙處榛莽木入今世間與
之論俗情鈍若椎刺穿幾昧馬幾足況識機械干見人
輒談法不視憎喜顏科判捨經本誦解波瀾翻洵晰義
微妙賢首及慈恩古說久蒙晦光明興舌端乃知其中
利凜然持太淵聞者無愚知悟解增悲歡嗟我嘗脩心

勤在此生前自從一念失漂轉來塵寰譬若乘蜀舟東
下三峽關迅忽造海壖矯首求西還沂流青天上得不
勞且艱爰師秉直心啓子三昧門師亦喜我意不謂鄙
且頑相從宜不厭勿論暑與寒不待盛言說目擊道已
存

許秋巖太守問耕圖

先生伏首諸生日深耕疾耨惟研筆先生黻纓登玉堂
鋪茶垂穎皆文章秉麾出作江東守欣戚時時念農畝
陰雨膏惟恐後期非種鋤還去爲莠男兒起任天下事
問舍求田非所志不恤四體昏作勞固將九域蒙吾利

一朝回首望邱園成見成功惟樹藝君不見伏波將軍
不世才中興事業光雲臺營軍瘴霧沈鳶地苦憶平生
季弟哀又不見北宋盛時君子達韓范富歐同禁闔偶
聞鶉鴉數聲唳忽念隴頭耕曉月此圖有士何美髯豐
玉饑穀茲身兼繫君節鉞與華袞那容短褐從腰鎌感
事撫躬成一歎寫圖非戲非爲幻無人得喻使君懷官
舍把圖時自玩我謂才難自古然士如麟角偶一焉教
民樹藝且一事只今百務須旬宣慷慨建樹躬歲月譬
如襁褓亦有年志業精勤信諸已進退早暮從諸天或
圖麟閣或歸田請君置此中情牽周公未遂明農志何

沈紛紛後世賢

米友仁楚江風雨圖卷

土養中藏後有友仁自題
七言詩

萬山欲駕雲飛去風雨江聲挾東注波翻雨橫客登樓
天地渾茫不知處藤崖高下懸太陰靈霧冥濛露江樹
颯颯風漂勁柯動急雨小停江浪涌低昂島渚數舟行
寂寞魚龍暮天恐楚江晴甸亦蒼茫況值蕭條風雨涼
山鬼含睇帝子怨海洲忽近吳天荒破墨氤氳載元氣
胸前突出山川勢不須慘淡擬形模元是分明出層次
君不見阿章早許元暉繼楚山已進先皇秘此圖卷末
復題詩南朝又見顛翁字父子崢嶸書畫學江山慨歎

遷移事五百年來江自流江城余亦澹淹留
借來寶墨流虹卷且慰無慘風雨秋

題句容學博馮墨香小照

我於江寧城始接馮君貌蕭靜有古韻當座展圭璋
固知其中異清絕遠塵淖而今對此圖睇視目增眊
審知爲子真指說賴前告寫真自古難神藝有深造
點晴加頰豪用意孰能到後世圖太多往往雜仁讎
卷軸紛牛毛題詠亂蟬噪君實精六法自摹山水樂
管賢縑素遺竊辨極交奧倉卒命俗工胡亦同襟好
想處山澤儀局以入鬻校士有笑吟披奠乃分膺
牖學舍小如舟請鄰

仍祀竈誰知曠世懷
天宇大哉警抑鬱無與言
寫圖寔寄傲工拙固勿論
似否亦弗較譬若影罔兩
等是無持操又若太虛雲
約略狀旌幟與古寫真意
迹本不同蹈此理如不然
姑縱吾言毫雨霽天欲霜
候迫風落帽邀子野鶴態
試鼓青谿櫂一醉酬廩秋
相對遽然覺

王麓臺山水

幽谷蒼蒼擁煙樹樹底明流沙
石布畫中取勢作低平
已是人閒最高處倚谷崖石
千萬層嶽峯仰映天光激
蟻攀獸顧不可登石根碑隱
谷風響崖後別盤幽徑上
峯迴徑轉山仍開畝有禾黍
林松梅結構精舍當其隈

夏竇倒景出高嶂鬼神所會騰雲臺若憑絕頂眺萬里
脫屣人間何有哉侍郎起家入華省貴仕何由造茲境
柴豪興至成此竒乃知妙悟通神領我簪孤藤極幽險
溼雲常與襟裾染窮山或至絕齋糧日取谿毛供一噉
呼吸瓊樓碧漢通近郭山谿皆可貶一往真當絕世塵
卻來平地望高曼春秋郊野雜眾賓此圖於我情獨親
臥遊雖慰平生意欲策衰慵更問津

瀟湘圖

王宸畫

雲霽出楓林烟深停水驛來往石崖間迷離竟朝夕欲
畫暖嘯聲寒峯數重碧

贈孫雨窗

秋風吹蕩秦淮白老翁獨行成落魄故交死處新知少
晚逢公子敬愛客牙籤玉軸綾縹湘質虹妙墨千金滅
茶香竹淨好風日請我俛仰前賢兮我如落葉枯桐峻
寒聲時起無妍潤莫愁湖上可憐春花柳空君美才俊
何事愛我詩句奇往往耽吟燭花燼謂當四海同一情
更召木工急雕印桂花落盡黃花開我爲扶筇時一來
念子嚴君連帥首心懸民憂走羣部公子閉門止讀書
不近少年親老叟異哉公子今安有古有名家繼前後
勗子以方報瓊玖

碩士約過舍久俟不至余將渡江西書與之成六

十六韻

敦牂歲三月桃李羣飛花東望鍾阜雲風帆待江涯欲
發不能決橋首背負髮吾堂子昔登寒梅照檐牙子去
歲幾何三見青艸芽俄聞子將來笑口成喞斜望子翔
鴈初被稷今鳴笳敞廬長掩闔不問扣馬櫪豈以積雨
多欒舍限泥塗抑或戀厠臉日侍欣清嘉戒徒久易期
卒未成巾車吾行不可留子來日猶賒開闔終不逢顧
念深咨嗟聞子官舍中弦管謝嘔呀夜誦或鳴雞畫披
逮昏鴉裁爲五色文爛若開晨搬元年求孝廉 詔紙

頌南衙郡舉尙遺賢有才爲兔罝子子處士中燦燦金
居沙射宮萬碎易一矢行拔鞞我老又多疾析若枯蒼
葭兀爾默終日短榻支僧脚食案廢脫作毛利哀劄到
嚶聞求友聲一一皆頻伽唯有文字習癢不禁搔爬仰
惟聖有作豈以文矜夸可厯光至今迺逾初日茄其中
矩矱存已足範奇衰後賢但有述敢擬作者媵譬若鑿
之而畫繪烏獸蛇巧工棄常度拙工藝反加一失外形
體豈復中精華在管明中葉才傑蹈高選比擬誠太過
未失詩人葩蒙叟好異論舌端嘖鏤鄒抑人爲己名所
惡成創痂擢士遭豐沛皎月淪昏菴我朝王新城稍辨

造漢樣才力未極闕要足裁淫哇豈意羣兒愚迺敢橫
疵瑕我觀士腹中一俗乃癢瘦束書都不觀恣口如闢
蛙公安及竟陵齒冷誠非佳古今一邱貉詎可爲擇差
所貴士卓識不受眾紛挐朗然秉獨鑒豈必蓬生麻我
雖辨正塗才弱非騏驎願子因吾說巨若飈引瓜吾舍
倚龍眠青嵐壓闌闌中有太傅墳管是公麟家子來我
雖去風景猶可誇試停行道驂拄策換吟嘯誦我前日
詩酌彼新焙茶清嘯發巖中大勝諧箏瑟吾曩游南昌
鉅邑觀闕奢顯慶帝子闕西山明列姓去之四十年題
字行遞蝸子家有舊園吾迹荒蔓遮子往定憶吾北望

天垂霞吾非山斗倫不詆排釋迦頗與同好奇結友宜
全義秀句成見寄豈不珍朋虵日月雨馳輪形駭一棲
苴何暇競一世口大身如椰卮言聊一放閉口終毘耶
耿耿遺子志母嫌吾道汚

題謝蘊山方伯蘇潭圖

南昌山色如青玉下照澗江千里綠倚江都會賢俊居
各起亭臺帶修竹先生小園堂數弓聚書萬卷花萼紅
四方名士春秋同舉鴈吟嘯於其中遊賞年年情未足
世推豐玉兼饑穀使節東領黃河隄法冠北上太行麓
獨於錢塘治績多來旬再莅西湖曲杭州前後瞻蘇公

先生事與東坡同小園舊以蘇潭命或疑前定天所通
識占小數何足道先生本憶南康好因懷蘇步作蘇潭
更著新圖寫昔抱君不見安石東山在越中金陵亦託
東山號當時曾治循海裝中原事定思一航威儀山澤
百世芳遠述祖德何能忘功名卓越人間事自古男兒
悲故鄉

弔朱二亭箕

吾年垂七十四海故人少東望每思君如立雲霞表往
昔朱子穎豪才起燕趙向我道君才五言幾謝朓子穎
貧無食子亦家集蓼相從邗溝曲吟和觴清醪我時隔

京師想見姣人僚丙申至江都遂得訪窈窕其時子穎
貴冠蓋頗叢繞君顧無所干陋巷閉門悄扣闥就談詩
但覺風嫋嫋舟乏仲舉同書絕巨源彌獨荷時見阿累
投珠玉晶惜哉近子舍攝提僅三肇我歸子穎罷舊迹
如逝鳥一別二十年中未脫塵擾激懷實愧君高與秋
旻杳子出諒不能吾遊尙可紹行當一相就帆挂橫江
淼昨得郎君書已設韜練旄豈但悲友生問道苦不了
君疾正月初一榻兒女繞呼與告逝期屈指七日剝屈
時一笑亾何嘗貳壽天銜哀遠弔君諒爲君所小那復
弄毫翰繁詞報劉沼

題劉雲房少宰滌硯圖

侍郎誠意之子孫亦統御史風憲存自從弱冠登金門
湘東才子弟與昆拭硯濡毫書國恩豈似犁眉少遭
亂晚逢眞主猶憂煩誠意江南舊門閥侍郎四執江南
節研吐雲霞霄漢開筆驅風雨蛟龍窟四海文章見師
表累代風流推繼述內侍寧誇金氏貂傳家惟奉鄭公
笏竣使重當入金殿裝橐依然藏一研聖人前席或
咨猷史官舍墨裁佳傳侍郎德業垂無窮硯也既久從
有功卻顧江南老禿翁猥稱當代一文雄豈知心氣今
搖落況復逃禪文字空松煤竹管行拋棄蕉白紅絲塵

自封

登天平山觀白雲泉

萬木塞崦岫環巖抱秋靜激泓中一池導源仰幽篁歷
頂累穹石側足折微徑略可半畝平深隱小潭瑩酌口
識清甘煩慮豁開醒僧臆啓絕壁遠納湖光淨聊彼支
遠智屬此魚鳥性誰與送歸途松風澹遙聽

觀飛來峯入靈隱寺由寺西上韜光菴乃北高峯
上也

連山聳西南水勢東北趨山蟠四十里障合中成湖矯
矯北高峯獨瞰西南隅高下測三二乃是韜光居靈隱

古名寺所處實山跼門外地如砥奇峯矗覆壺中空四
穿達立距疑神扶所以西域僧謂是鷲嶺逋造說固詭
異度形疑非誣九月未肅霜嶺木猶榮敷我從湖尾來
橫截乃西逾日薄桑陰開舍舟入籃輿遂造飛來峯鑿

刻多佛圖題名自元豐指顧雜賢愚秋壑見子中

飛來峯有

林希賈似

道等題名想亦加邪歛發我一長歎舍之入僧廬琳宮

既巍傑巨鑊中容車不識飯干僧中有龍象無萬竹繞
一逕登陟方縈紆幽谷微風來冷然寒肌膚俯視羣山
卑乃知所立殊內湖而外江驚潮見天吳蒼然浮數翠
未得其名乎略辨浙水東僧言蕭山區仙人遺丹竈聊

一窺其窠長生固非願遺物卽道腴徘徊未忍去曦影
俄西晡山川自清麗迹過如鳥鳥悵懷幽興極寫託天
雲孤

戊午九月十四日出雲棲寺作

萬樹納幽光峯頂日初到寺樓人始啓四嶺鳥羣噪鐘
磬隱虛堂蔬水薦僧竈門與道人別逕有脩篁導道迴
將出谷陰森猶入奧返瞻昨履地木末一峯冒茲生入
世網空王實先覺豈不被聲聞所病無持操是以雲棲
門堅持一佛號要取同趨歸非謂異宗教睠焉顧其室
喟然發中悼焚和從一念繫物沮高蹈旣厭流俗靡豈

耽山水樂終辭弱喪情屬爲知者道

次韻荅秦小峴觀察贈別併以別謝蘊山方伯

我如行雲向九州飄然一往不可留東南烟水一千里
挂帆曲轉楓林秋西湖絕景四面好北客拄杖十日遊
夜月披襟倚湖檻曉烟聽榜搖湖舟竭往山深友麋鹿
歸從水宿同鳧鷗兩君丰采古賢伯亦邀賓客探奇幽
孤山處士余所慕香山玉局君之儔四賢祠前共遊舫
魚蟹菱芡新登筯恪官事異元豐世豈開魚鑰貪林邱
斜陽欲盡旌旆返野人朝亦生離愁從來佳處不可盡
安用萬壑窮兩眸主人雖賢客當去徑買輕舸隨北流

兩君各示七言妙扣詎和編鐘璆使君文章配旄節
漫士踪迹同漂漚敢期一事嗣前古培隄去詩仰令猶
想公更遊水深闊倒浸南北山僧樓

惠山寺觀

御賜寺內王紱溪山漁隱卷歌

秋陰細雨梁溪前停舸往酌第二泉石巖偃仰神所窟
密林寒邃風泠然泉東穿過惠山寺我從拄杖尋幽異
山僧手持王紱卷語我前年寺中事火燼竹燼山房圖
吏傳 天府琳琅賜晁曜日月升虹霓山僧室內瞻
御題次看王畫果神妙清深意境躡天倪山長水遠合

氣勢人家漁艇從幽棲武林溪口落花出西塞山外斜
陽低豈徒畫師今莫躋孟端自喜非常蹊三處題詩兩
番記空升秘笈同璋珪我問貞觀天子求僧室闕檻蘭
亭一朝失英主嗜好乃如此豈如緗縑宮庭出翰墨風
流異代情 明廷故實郵氓述況記此間迎 翠華寄
暢園蒙頻 駐蹕不賢識小宐作歌大政元存史臣筆

青華閣帖三卷紹興御刻皆二王書後有釋文余
頗辨其誤復跋一詩

蒼頡始作書已聞夜哭鬼官民信治察淳樸存有幾何
況尙草法几隔駭蛇虺筆勢取奔趨形體雜變藪多寡

亂馬足左右錯丁尾假如義獻存翰墨矜有斐試箝文
上下自讀口亦悱儒者厭草書所識詎不蹙傷哉宋南
渡國有存陳啼鐵馬苟臨江所愛杭一葦柰何毗安燕
宮苑豔襪卉近擬大觀年取法寔比匪鐫工聚樂石名
帖啓蠶篋帝后各擅書親釋文如螿吾今適無事舊冊
陳几斐頗亦從俗嗜驤騰震瑰瑋默對淹永日錯昧嗽
與拙舊釋或得失吾說亦封菲古帖殘闕餘誰能誦媿
媿盍各陳小辨聊於博奕偉若夫大雅才自命則吾豈

方天民

獨覺

次韻余少在京師與朱竹君王禹卿

酬和長句見贈又示病起五言用其病起韻荅之

大哉天地化縱視忘形拘耳目乃可遺况識肥與臞將
適汾水陽首謁冰雪膚徑凌天地度袵拂扶桑株俯短
龜鶴齡詎與蜉蝣殊聖凡本無隔妙道藏頑軀聖門講
六經抑或營廢居若論微言絕二者皆可吁陳魚取乙
蠶顧己遺腴膺吾幼耽文章矻矻不知愚二十八京師
兩漢希閔樵斯文有先驥朱王騁高衢揚班以見待竝
謂詭匪誣灑墨疾風雨往復競裁觚投老自慙惜雕蟲
穉子俱我棄良晚矣子取非過歟少小同研席里閨多
歡娛秋燕匹故人室存形影徂獨君以冬巷久病幸一
蘇短日發長詠走餽逾苞直我誦雪牕前意驟興繫駒

終願超言象其子遊虛無呵毫罷一笑升曠煌八區

題外甥馬器之長夏校經圖

聖人不可作遺經啓蒙愚大義乖復明實賴宋諸儒其
言若澹泊其旨乃膏腴我朝百年來教學秉程朱博
聞強識士論經良補苴大小則有辨意謂循異塗柰何
習轉勝意縱而辭誣競言能漢學瑣細搜殘餘至寧取
識緯而肆詆河圖從風道後學才傑實唱予以異尙爲
名聖學毋乃蕪言多及大人周亂兆有初彼以不學敝
今學亦可虞嗟吾本孤立識謬才復拘抱志不得朋嘷
歎終田廬甥有吾家性禮部方升書才當爲世用勉自

正所趨矻矻校遺經用意寧投虛盛夏示我卷秋葉今
零株至道無變更景物乃須臾僞學縱有禁道德終昌
舒試觀宋元間士盛東南隅以視後世賢人物誠何如
願甥取吾說守拙終不渝

惜抱軒詩集六

今體七十九首

夜抵樅陽

輕帆挂與白雲來
棹擊中流天倒開
五月江聲千里客
夜深同到射蛟臺

山行

布穀飛飛勸早耕
春鋤撲撲趁初晴
千層石樹通行路
一帶山田放水聲

貴池道中

曉過池州郭
人家傍曲谿
白花臨岸發
青艸度江齊
秋

浦殘林雨春山徧竹雞東樓懷李白風日至今迷

黟縣道中

蒼翠壓人低流雲落大谿連巖巖艸日懸澄帶陰霓雨
歇羣山響春深萬木齊寥寥方久立谷鳥一爲號

出池州

桃花霧繞碧谿頭春水才通楊葉洲四面青山花萬點
緩風搖櫂出池州

江上竹枝辭

滔滔無際是秋瀾估客牽江泊夜灘江岸唱歌江上聽
不知風雨爲誰寒

蕪湖山露小於船池口銅陵山接連那得青山江岸盡
止應西上到青天

年年八月旺潮期送潮送到小姑祠惟有滿天風共雨
小姑祠上送郎時

東風送客上江船西風催客下江船天公若肯如儂願
儂作西風吹一年

古意

青柳高樓白馬駒五陵春醉酒家胡君家新市長安少
臣里佳人楚國無在下願爲莞蒹席與郎儂作博山鑪
東風門外蘼蕪晚更折瑤華向路隅

效西崑體四首

咸陽

新年宮外八川流，輦道環通徧雍州。
萬里龜鼉橫碧海，六王鐘鼓在朱樓。
地中闕表終南肺，天上城開太華旒。
獨令上林辭賦客，曲江蕭瑟不勝愁。

渚宮

樓觀雲陽入窈冥，雨東門對楚山青。
錦帆暮雨迴江渚，鳴籟雄風起洞庭。
北望六雙飛鷺鴈，西來五尺困蜻蜓。
渚宮衰艸秋風裏，愁絕當年帝女靈。

洛陽

洛陽形勝匹西秦累葉章陵氣尙新甲第雙嶠如屯谷
芳林九派似江濱生前父有張常侍死後兒還史道人
借問西園冠蓋盡溼螢飛暗小平津

越臺

臣佗事漢抱孫年滄海無波阜井塵嶺嶠春臺餘總帳
泮柯秋水下樓船空詢萬里番禺醬不及千金好時日
一自建章荆棘後越巫方夏與誰傳

寄和劉海峯三丈游伊闕之作

聞去梁園超廣武西登闕塞眺黃河伊陽風雨從中出
洛下山川向北多白髮上賓聊自許青春歸興復如何

且從浩蕩詩懷劇莫念沈淪壯歲過

寺寓贈左一青

南北風煙萬里深對君王舍有香林春來夜夜江南夢
不及高齋聽雨心

送一青歸因寄仲鄂

與君兄弟夙相依洛下今年遇陸機天末四愁思莫致
秋來九辨送將歸行竄南汶山初見吟到澄江葉盡飛
若把迷方語鄉里更憐心事卜居違

出塞

連營鼓角夜星環擐甲弓刀曉露閒列障三邊開幕府

挂帆初月出風起大孤塘
遙夜來湖口江天寒森
茫石潭流激激巖樹鬱
蒼蒼千載元豐士風流何可忘

出湖口

扁舟昨夜泊湖江
霜重蘆枯宿鴈知
朝日忽生彭澤縣
挂帆無數小姑祠

送客之南昌

野曠深春艸江空起夏雲
縱陽夏西上日日見匡君

寄友

千仞青巖萬壑雲
舜家籐杖謁匡君
玉簫吹處非人世

江上秋風偶一聞

郡樓寓目

檻前洲渚後山坳劇郡樓臺艸樹交白霧乍開人入市
丹林猶綴鶴歸巢授衣霜露齊民節倚劔江天大國郊
竟作陳登牀下客長饒思訪地肥瘠

由郡城適縱陽漫詠

森森江流汎楫維蕭蕭岸戍見旌旗斜陽萬里背人去
落葉千聲與客悲寂寞子雲期後世蒼茫詹尹謝先知
青山滿目身無累惟有憑磯坐罟師

關山月

遼海初生月長城幾度秋夜吹羌管笛風滿戍亭樓紫

塞斜銀漢青天澹玉鉤如何渭橋渡止道似牽牛

秦宮辭

挾瑟佳人載輦行渭南秋月綺羅情秦皇愛聽邯鄲曲
不及叢臺夜宴聲

露下梧桐墜井欄滿宮明月見君難傳聞博浪霓旌過
磁石宮門閉夜寒

漢宮辭四首

君王武帳御船樓一片旌旗拂女牛日晚移舟鳴趙瑟
昆明池上月如鉤

井榦樓上見飛塵宛馬新來集渭濱欲詔海西先涕泣

惟中誰報李夫人

關外花迎帳殿開
箜篌隨上射蛟臺
柳邊細馬雕鞍過
新自河閒望氣來

金罍春殿酌瓊漿
夜賜黃門樂府倡
三十六宮歌舞地
一時風靜玉階涼

黃河曲

負羽千營鬣角端
平明卷幕北風寒
青天西挂黃河水
立馬長榆塞外看

黃河繚繞漢南山
秋盡蒲昌鴈盡還
萬里白雲飛不去
朝朝長結玉門關

山行

石徑幽巖竟日曛杖藤行逐遠樵間縱無世外冥鴻翼
猶愛林閒野鹿羣春渚天桃無雜樹暮天殘雨有行雲
故人谿口如相問何物空山可贈君

一青仲孚往金陵屬訪耕南三丈消息

域中前輩盡積顏混迹劉伶尚閉關孤艇著書江水上
百年閱世酒尊閒天邊落木流楊子秋盡寒雲出蔣山
若憶團亭舊漁釣挂帆明月共君還

榆中

直北天低見磧山黃河南下曲如環白榆夜雜雕戈戍

青艸春稀牧馬還，寒吹滿空雲出塞。
暮天無色日平關，千秋猶對秦時月。
多少功名大漠閒。

初雪憶去年是時經潛山下

窗外聞風竹，緣階雪遂深。
我思山谷寺，天遠大江陰。
石氣青霞嶂，秋聲黃葉林。
夏穿巖徑去，應阻故人尋。

送左冠倫丈往平羅

萬里靈州外，孤懷焉可論。
關山疑路盡，士馬尙秋屯。
河水流中國，寒陽下塞門。
重閱漢四郡，豪傑幾家存。

南朝

宮雉南朝接玉繩，幾年金掌露華承。
衣冠志節悲終始。

艸莽英雄有廢興海壯五州開北府江通三峽督西陵
銷沈轉眼愁隨主欲作長城更不能

登報恩寺塔

山迴煙繞出浮圖迥踏青霄萬里孤
斷鴈秋雲飄莽蒼
高甍飛閣撒榛蕪江風颯颯吹天日
海氣昏昏浸楚吳
多少人閒興廢理蔣山松柏正模糊

登永濟寺閣寺是中山王舊園

中山王亦起臨濠萬馬中原返節旄
坊第大功酬上將
江天小閣坐人豪綺羅昔有巖花見
鐘磬今流石殿高
憑檻碧雲飛鳥外夕陽天壓廣陵濤

金陵曉發

湖海茫茫曉未分
風煙漠漠棹還聞
連宵雪壓橫江水
半壁山騰建業雲
春氣臥龍將跋浪
寒天斲鴈不成羣
乘潮鼓柁離淮口
擊劍悲歌下海濱

丹徒寓樓上作

鬱鬱山川面倚樓
側身江左舊徐州
寒潮不隔中原望
白日遙懸大海流
北府千年京口鎮
西風一夜秣陵舟
古今只此滄波色
煙霧何時竟掉頭

望岱

峻極通天地
陰陽辨魯齊
連峯渤海外
流吹穆陵西
樹

擁金輿路雲深玉檢泥山川供劾佞千載一淩迷

泊臨清潭口

泊舟寒渚對襄裊岸木蒼蒼水鏡開滄海霧搖孤月上
青天影合二流來平生苦憶清江權深夜休嫌濁酒杯
明發風帆好停處拂衣先上魯連臺

由張秋至汶上口號四首

汶川千里路漫漫三峽船如上閘難篷底春風九十日
穀城山隔缺隄看

細艸春陰碧四圍空隄花落燕初飛澹雲何處飄殘雨
迎取魚山神女歸

風定遙山水面青垂楊不見釣舟停晚來忽唱橈歌去
疑載高人小洞庭

帆前莽蒼暗平蕪風雨神靈定有無一片雲遮分水廟
四垂天入蜀山湖

太白樓

李白任城住於今九百秋青天東海月長爲挂南樓三
月楊花雪餘春客濟州憑闌空汶水相憶下滄洲

濟寧城東酒樓憶亾友馬牧儕

汶河垂柳萬枝輕把酒高樓對馬卿十四年來兩行淚
春風重過濟州城

河上雜詩四首

碭浦蟠紆接下相風雲咫尺會舟航中原日落關城白
西楚河來天地黃山閉彭門千里暮林開祠廟一陂荒
背關懷此君休笑自古男兒悲故鄉

海上晴天雷雨虺驚濤奔入亂山開青冥楚越孤帆去
浩蕩淮沂四面來春艸不知韓信里秋風會到項王臺
誰明鼓檝中悲慨仰視雲霄數鴈迴

使者治隄久未還東南波浪海雲閒只愁天上桃花水
漫失淮南桂樹山任土司農操戶版薄征都尉且河關
勤憂中澤須良吏又待 霓旌問里闌

南登楚岸出楓林回首天邊萬里心
日月空濛探海窟魚龍縹緲踏春陰
故人京洛思朝夕鷗鳥滄波自古今
河上近連江上路蒼蒼千嶂碧煙深

淮上有懷

吳鉤結客佩秋霜臨別燕郊各盡觴
艸色獨隨孤棹遠淮陰春盡水茫茫

淮陰釣臺

人傑乘時會功成運已非可憐高鳥盡
回憶釣魚磯淮上春風起高臺柳絮飛
王孫殊未反惆悵落斜暉

畱別揚州諸君

年少諸郎各俊才，要余夜盡廣陵杯。
明月相隨天際去，思君還傍月邊來。

山儀真至滁州口號三首

醉點紅鐙碧樹明，夜看亭閣廣陵城。
醒來忽向蒼山路，獨聽寒松曲澗聲。

初日牆隅出未高，孤花叢樾閒相遭。
陂塘行度重陰底，惟有蛙聲和桔槔。

陰陰巖偃蒼龍腹，片片雲飛白鶴翎。
江浦縣南來暮雨，滁州山露半邊青。

寄潞川

江雲萬重合中有故人行西風吹落照一半向蕪城
君家種新竹牆陰雨中長若爲北窗來蕭蕭數聲響

南陵送涓川

楚澤橫千里登高望不分山城正風雪江路忽逢君歲
晏梅初坼長宵酒易醺只愁明發去空水與寒雲

過江浦縣

江出天門雲水長客心孤迴路蒼茫寒山自繞涂中碧
不與斜暉過歷陽

徐州

霽雪城頭戲馬場憑城三面瞰蒼涼河流畫地分中夏

雲氣隨風出大荒，竟入山林惟孔令。
遠求風雅獨元王，閒關此日方爲客。
殘照天涯數鴈行。

邳州

遼瀾山川縱遠游，又歛風帽過邳州。
千秋遺蹟尋黃石，一片寒陽下白樓。
難得真龍逢漢帝，易將窮虎縛溫侯。
英雄潦倒尋常事，惜與曹瞞作畫籌。

過汶上弔王彥章

楊劉兵度大梁危，飲泣猶當奮一麾。
亂世烏飛難擇木，男兒豹死自留皮。
天連白艸橫殘壘，日落陰風擁大旗。
莫問夾河爭戰地，渾流徙去黍離離。

惜抱軒詩集七

今體六十九首

戲贈山陰陶生

凜立塵中面渥丹自言鴻寶受劉安
貧無素業彈長鋏行入朱門著小冠
候日竟知中景再談天始識九州寬
東方惜未遭時會傻作蘇張未是難

戲贈宏夫兄

昂藏七尺氣縱橫篋內中宵寶劔鳴
屠市故人從偶語屏風侍史不知名
鬢華攬鏡增霜雪智探囊有甲兵
仍作棄繻關內客西風吹短曼胡纓

戲贈鄧章生

山澤歌謠自負薪誰招跌宕入京塵翹身曳步驚風止
蹙蹙癡顏擬聖人捫蝨九流隨俯仰雕龍萬古會精神
若教一與貂蟬列優作當時折檻臣

蔡萬資

履元

水鄉菱藕圖

平湖秋櫂木蘭船醉入汀花弄碧煙日暮都忘天近遠
坐等明月到尊前

綠萍白芷春陂生菱葉藕花秋氣清語兒涇畔各含思
爲待先生吹笛行

隔岸越山青倒開花光湖影照裴裒圖成張向西風裒

野鶴天邊飛欲來

寄仲孚應宿

蟲臂觀生非有象，馬肝持論故無親。
虛名那辦星牽軌，猛士難翻日轉輪。
但使琴漁從叔夜，不妨櫻筍送殘春。
白雲憑語相思劇，三月谿山兩故人。

送曹效伯司務歸里

觚稜回首暮雲空，拂袖歸途似御風。
解厭奔趨將虎子，定無喜怒爲狙公。
故人長揖都亭外，新月多情滄海東。
行上成山滃天碧，早知蓬閣落梧中。

送左墨谿往貴州

惟我集七
二
何處黔中郡憐君最少時今猶借旅食明復送將離夏
口經春闕辰陽到日遲臨岐無以慰迴鴈與歸期

法源寺

時張樊川侍讀引疾同游

臥碣唐朝寺春階上艸芽客來清磬歇鳥啅夕陽斜
水澆青圃檐風隕白花欲借投紱老終日問楞迦

同秦澹初

雄飛

道長朱克齋

岐王蘭圃

士菜

兩比

部游洪恩寺時秦王將往主山西試僕與克齋赴

山東

古寺松杉一鳥鳴初噉煙霧雨階清風幡秋氣飄鐘磬
艸木晴嵐入檻楹坐倚團蒲身近遠出看車轍路縱橫

明朝相憶皆千里，那易僧窗啜乳茗。

賦得昭烈宅

涿水東流艸樹荒，千秋已比沛中陽。依然桑蓋垂籬落，誰種蕪菁負曉霜。高臥登樓豪自許，入山披髮意非狂。平生髀肉銷鞍馬，游子何任悲故鄉。

張方伯

諱秉文祠

歷數天將改藩籬，國早亾士餘忠壯。志家在戰爭場，女烈甘懷石。臣心盡布裳，同閭悲舊史。異代入祠堂，樹積陰雲黑。旗翻落日黃，行游魂魄毅。溟海地茫茫。

密雲縣

當道孤城一水邊
漁陽斜照隔城懸
斷崖朔吹來陰地
連塞橫山蔽遠天
設險檀州防禦所
建安褚令壘湮年
男兒未辦安邊策
略借曹瞞定損賢

清苑望郎山有懷朱克齋

時知衛輝府

男兒三十分銅竹
多少功名到白頭
紫陌鶯花故人贖
黃河風雨郡城樓
欲將北海同樽酒
遶盡西山到衛州
回首數峯蒼翠在
幾人能不憶林邱

定州

東橫海右中山國
西接天邊御射臺
辨謗獲君從古少
成功食子令人哀
飛流倒馬關中出
急雨盧龍塞外來

欲下高原更迴首尙疑奇士在蒿萊

呂翁祠

白荷花照水娟娟綠柳千條壞檻前
午過微陰行客倦
呂翁祠畔聽秋蟬

邯鄲口號

邯鄲妙伎繡襦衣屣屣無雙毀瑟希
止作低頭厮養婦
不如匍匐壽陵歸雖囊有意來成帝
玉貌無端亦被圍
秋色滿空吾徑醉西山當面挂斜暉

彰德懷古

鞞鐸居然擁伯才地蟠河朔氣佳哉
丹崖秋幸黃華館

玉貌春歌金鳳臺
漳水東流何日盡
高城西對夕陽開
獨憐石柱平城去
猶似銅人浴下來

疑塚

祖虞胄稷兩難求
枯骨誰知屬夏侯
邢史何嘗識天道
邠婁家盡大長秋

蕩陰有懷嵇侍中

晉朝城壘結愁雲
播蕩金輿此戰氛
事去萇宏猶有血
時危孺葛不能單
冥鴻物外誰當篡
野鶴雞中故不羣
西望山陽林竹盡
寒聲蕭瑟詎堪聞

淇縣

曉色高原上連山夾路隅單車度淇水秋雨綠玉芻聞
道青巘迹長懷隱者徒林巒深翳蔚中有片雲孤

黃陂道中

故鄉東望隔齊安馬首才旋去不難略似霸陵臨渭上
瑟聲清怨走邯鄲

懷葉書山庶子

遺學千秋賴服膺閉門白首向青鐙伏生老有殘經懼
韓愈師爲舉世憎終夜思公今底柱秋風吹客又巴陵
滔滔身世成何事愧憶當年許代興

懷劉海峯先生

先生高臥楚雲旁賤子飄搖每憶鄉四海但知存父執
一鳴嘗記值孫陽於今耽酒能多少他日奇文恐散人
脫足耦耕如未晚百年吾亦髮蒼蒼

懷王禹卿太守

大江五月水湯湯送爾西南守夜郎聞道還家生白髮
可憐解印縱清狂天垂襄漢涵秋色水下金焦接大荒
青艸洞庭還獨去空山縱桂沙相望

懷程魚門舍人

淮南倒屣盡賢賓綸閣今稱老舍人潦倒青春長似醉
交游白首每如新一椽託足終何處四海知髯故絕倫

惟有詩情渾不減，獨吟今夕莫傷神。

渡江

秋風生郡外，江漢合舟前。
靄靄列城樹，搖搖長薄煙。
南州殊未極，西嶂正蒼然。
不識臨崖叟，垂綸復幾年。

官塘

碧雲巖壑盤遙勢，斜日榛林映晚清。
澗虎欲來風滿谷，四山秋葉一時鳴。

萬年庵次劉石菴韻以呈補山

驛路陰將雨林深，鳥不喧遠風來習。
習涼葉忽翻翻野曠，蟲何怨秋成物自恩。
迴依僧舍憩寒水，靜當門。

觀化吾生眇焉知從古年平生聞赤壁邀客上青煙霧
雨藏南嶽江湖蕩左偏前峯猶自遠未可盡黃緣

前輩輜軒過風流憶宛然人隨寒鴈遠迹付野僧傳礪
戶藏秋小虛空放暝圓欲竊生滅理雲影在諸天

張鏡察閣學詩
今年閣學亾矣

湘陰

雨積湘東行客難
嗚蟻楓樹四山寒
晚日黃陵戍
黃出湖雲江水白漫漫

道中回寄長沙諸君

日月行踪雨不留
新交故友孰從游
歸人夜夜聽山雨

落鴈聲聲下郡樓萬壑盤來趨鄂渚千峯斷處是潭州
別離倏忽真成老青艸湖邊對暮秋

岳州城上

高接雲霄下石磯城頭終日敞清暉孤筇落照同千里
白水青天各四圍山自衡陽皆北向鴈過江外翼南飛
人間好景湘波上卻照新生白髮歸

夜起岳陽樓見月

高樓深夜靜秋空蕩蕩江湖積氣通萬頃波平天四而
九霄風定月當中雲閒朱鳥峯何處水上蒼龍瑟未終
便欲拂衣瓊巖外止畱清嘯落湘東

漢口竹枝辭

揚州錦繡越州醅巨木如山寫蜀材黃鶴樓頭望燈火
夜深江北估船來

蜀江水長漢江低江水東流也向西霜後西風江盡落
可憐離別漢陽隄

信陽

已逢秋鴈下江沱更望飛蓬捲大河短日人行鄙陋少
長淮山繞義陽多水源四瀆思乘權地險三關每荷戈
海內艾安輅傳緩獨將停策問巖阿

論墨絕句九首

宣和香劑用油煙奚李前撫竟邈然筆法而今論篆畫
江南三絕自當年

涉足塵埃世態生山林養節久方成論松略似觀人法

誰及新安戴彥衡

事見老學庵筆記

朝鮮舊國解燒松使者朝正數笏從著硯未能堅似石
卻無膠滯不妨濃

膠折燕山風莫勝篋中片片似春冰時工止解緣邊漆
不悟堅金儼故稜

除卻廷珪跨乃翁幾家絕藝後能同來男作相虞兒匠
何怪方今曹素功

霄漢樓憑江水空鶴峯書畫散秋風盛時猶記先人說

淚與殘丸滴硯中

先君外家任大理公藏書畫甚富皆大理先世鶴峯先生所蓄今有鶴峯

品也

程君文筆工無比姿媚何嘗解俗書累壓篋中爲長物

不妨啜汁賞心餘

程魚門多藏程君房羅小華方于魯及明內龍香舊製名其齋曰三長物

墨其一也

我愛瑤田善論琴博聞思復好深湛才傳墨法五千杵

已失家財十萬金

程瑤田語云墨以多杵爲佳然自千杵以上則難杵數倍於初時墨不過

千杵瑤田用古法杵至三千已極難而程君房必五千杵

年年兩袖染成烏佳字奇文一筆無惟向天涯寫歸興

故應銘背作思鱸

范成大製墨事
見老學庵筆記

祝芷塘編脩

德麟

接葉亭圖

人爲碧海神山侶，亭傍叢花醜石安。
異世定懷風景好，此生得倚玉枝難。
衣冠前輩名相繼，琴奕中宵興未闌。
昨日移居已陳迹，就君時索畫圖看。

鄭前邨以辰州守被議授員外郎

銅符分守楚雲開，襍被今隨秋色迴。
閩閣臥時傳治績，江山行處助詩才。
爲郎父老家安在，作相公孫國又推。
青瑣幾人憐故侶，白頭相遇數銜杯。

喬鷗邨

鍾吳

江邨圖

素產吳淞水春風未別家閉門深翠竹展席上飛花客
散看陰轉鴛鴦到日斜匆匆將好景題咏在京華

翁學士

方綱

蘇米齋

宋賢遺故蹟乃在嶺南山海上流雲氣冥濛石壁閒披
榛逢節使摹石載舟還遠興高齋對猶令客動顏

送朱子穎

孝純

知泰安府

當日長安一布衣十年糠覈食猶肥遊誰識爲巴守
調笑何嘗入世機瘴盡穿江塞路嶽雲來歛洞天扉
東西踪迹君休論珍重平生志莫違

岷嶠東接泰山陽歷歷專城待俊良埽定蛛蝥將偃伯

登封鷓鴣欲來王禁中伏秦心偏肚劒外遑迴鬢已蒼
若會明堂陳治績豈忘沂汶古時狂

文筆人閒劉海峯牢籠百代一時窮別來書到長安少
死去才令天下空傳說足疲登陟罷尙應舌在笑談雄
君懷師友頻郵置消息淮南幾次通

禹卿自入滇中路不見陵雲作賦才剖竹西南仍放浪
挂帆江漢竟歸來往年使酒同燕市九日悲歌上廢臺
此世論心常恨少至今相望各懷哉

冬至大風雪次日同錢籜石詹事程魚門吏部翁
覃谿錢辛楣兩學士曹習菴中允陸耳山刑部集

吳白華侍讀寓同賦得三字三十韻

侍讀城西住西望城上嵐雪明邀數客風定卽同驂嶺
照斜規掩林鐘晚韻歸聽詩情窈窕說士珠醴醴燭盡
繩街鼓栝傾倒室壘昨朝寒太劇此歲日窮南氣抱虛
堂白聲搖空閱酣閉將同蟄蛰臥欲作僵蠶綵仗從天
轉瓊膏灑地覃農田占穀麥齋殿映松栢圓陞
宵陪位前衙曉放參是日停朝賀頻逢薰燎慶竊有負茲
慙大祀肅以疾未陪雖替祠官職曾求國典諧竹宮今日禮茨
屋異時談急景看如此遐思嘿有含瑾知坏戶暖壤慶
滌塗甘酒幟懸風店漁蓑向東潭靜尋封逕崦響聽打

清湘千尺照迴舟，歸艫鄂渚青楓晚。
移節滇南白日流，石廩祝融煙霧裏。
幾能散髮滄海雷。

送弟訢赴杭州後一日行艸橋卻寄

汝猶爲客日，吾亦未歸人。
復有山川隔，寧同少小親。
疏林夏下葉，晚陌每揚塵。
欲得長懷弭，彌如車轉輪。

得朱子穎書

使君書札發齊州，戰伐新經欲白頭。
出涕潺湲哀萬室，獨居威望鎮諸侯。
清秋念我狂尊酒，落日同誰眺郡樓。
海內幾人功力建，腐儒端合任沈浮。